



UNIVERSITÄTS-
BIBLIOTHEK
PADERBORN

Institutiones Canonicæ Sive Ius Ecclesiasticvm

Wiestner, Jacob

Monachii, 1706

II. De Consensu Parentum.

[urn:nbn:de:hbz:466:1-62672](#)

ex urgentissima vg. conciliandæ vel conservanda pacis causa initur, à gravi culpa excusari cum, Hofstensi in c. cit. pr. & Alex. de Nevo n. 2. verisimilius negant Paludan. in 4. dist. 28. q. 2. art. 1. à n. 8. Sylvester V. Matrimonium s. q. 6. Nauvius Manual. cap. 22. n. 31. Petr. Ledesma de Matrim. q. 43. art. 2. dub. 3. C. cit. Palao n. 13. quod c. Ubi non est cit. Papa utatur gravibus verbis Discretius inhibemus, denotantibus serio impositum præceptum vel prohibitionem, petradita ab Archidiacono in can. Interdixit 16. dist. 32. saltem si materia sit gravis, ut cum Suarez Lib. 5. de LL. cap. 3. n. 6. & alii dictum est Lib. 1. tit. 2. n. 79. Esse autem c. Ubi non cit. propositi casus materiam gravem, nemo faciliter inficias ibit; cum impuberum, in quibus generandi potentia ætatis defectum non supplet, conjunctione matrimoniali (eo ipso; quod quantum in ipsis est matrimonium contrahere intendant) attentetur Sacramenti invalidi administratio: quæ, quod illius irreverentiam contineat, extra urgentissima necessitatis casum toleranda non est.

ARTICULUS II.

De Consensu Parentum.

SUMMARIUM.

31. Magna Authoritas parentum est in conjugi liberorum:
32. Que tamen, bius invitio, non contrahuntur.
33. Licer, invitio parentibus, valide à liberis inceantur,
34. De Jure saltem Ecclesiastico moderno:
35. Imò & antiquo.

36. Ad nuptias à parentibus electas liberos, obligari afferentium,
37. Et negantium verior Opinio,
38. De Jure saltem Canonico moderno.
39. Ad consilium tamen parentum requirendum liberi tenentur.
40. Leges Civiles, ex hereditationem librorum indigni nubentium permittentes, impugnantur:
41. Et magnâ ratione defenduntur.
42. Non ludunt libertatem matrimonij,
43. Nec Jure questo liberos privant.

Quantumvis parentum, & patris praesertim in contrahendis liberorum conjugiis magna semper, eaque fuerit authoritas; ut, quæ sine illorum consensu inita sunt, Civili & Canonico etiam Jure justæ honestaque nuptiæ non censerentur, l. *Nuptie* 18. ff. de Ritu nupt. l. Nec filium 12. C. & pr. *Instit. de Nuptiis*, can. *Videtur*, 35. q. 6. c. *Videtur* 3. Qui matrim. accus. & c. 1. hæc Rubr. tanta tamen non fuit; ut libertas omnis liberis adimeretur, & non eorum quoque desideraretur assensus, l. *Filiofamilias* 13. ff. de *Sponsal.* l. Non cogitur 21. ff. de Ritu nupt. can. *Nostrates* 30. q. 5. c. *Unic.* pr. & fin. b/c in 6. Imò hos contradicentes aut non consentientes matrimonio jungi non potuisse, constat ex l. *Filio*, l. Nec filium cit. & can. sufficiat. 2. ibi, Qui, nuptiæ jungendorum consensu, Si solus defuerit, catena frustratur, 27. q. 2. cui consonat c. fin. de *Sponsa duorum*.

Sicut sine istorum, sic etiam sine parentum consensu inita conjugia irrita esse, Corrasius Lib. 1. *Miscell.* cap. 27. Connalus Lib. 8. cap. 4. n. 6. & veteri quoque Ecclesiæ Jure fuisse, Pontius Lib. 2. de Matrim. cap. 1. n. 5. existimant, & satis clare proditum videtur utroque: Civili quidem Jure pr. & l. *Nuptie* cit. & l. *Nuptia II.*

pria 11. ff. de Ritu nupt. quos textus praecipuis habuit Clemens III. cum sine consensu parentum secundum Leges nullum matrimonium fieri posse, afferuit c. Videatur 3. cit. Ecclesiastico autem can. Alter 30. q. 5. ubi Evaristus Papa, Alter, inquit, legitimum non sit conjugium, nisi a parentibus &c. Sponsatur, & can. Non fratres cit. quod relatum Nicolai I. ad Bulgarorum Consulta responsum est, Nuptialis fœdera consensu eorum, qui haec contrahunt, & eorum in quorum potestate sunt, celebrantur.

- Sed elto, sine illorum consensu inita liberorum conjugia Iure Civili irrita fuisse, Corrasio & Connano concedatur propter il. & c. Videatur citt. quod tamen Cupiatus Lib. 3. Observat. cap. 5. & Costanus de Sponsal. Tit. de Ritu nupt. n. 101. negant, ejusmodi nuptias hoc Jure injustas quidem, hoc est, illicitas: at non invalidas fuisse, aferentes: Ecclesiastico tamen, tam veteri quam moderno Jure, conjugia solō liberorum consensu inita substituisse; ac proinde consensum parentum ad illorum valorem necessarium non fuisse, contra Pontium 1. cit. defendunt Covarruvias p. 2. de Sponsal. cap. 3. §. 8. à n. 1. Bellarminus Lib. 1. de Matrim. cap. 19. & 20. ceterique TT. & Canonista passim: & de moderno quidem id indubitatum redditit S. Synodus Tridentina, illos, qui matrimonia à filiis familiis, sine parentum consensu contracta, irrita falsò affirmant, anathemate damnans Sess. 24. cap. 1. pr. de Reformat. Matrim. De veteri quoque Jure id planum est ex can. Sufficiat cit. c. Cū virum 12. de Regular. c. Causa 6. de Raptoribus, & non obscurè colligitur ex c. Cū locum 14. c. Cū apud 23. c. Tua 25. de Spons. & matrim. quibus textibus de consensu ad matrimonium necessario agitur: & solius id incertum, nulla autem paterni con-

senſus mentio fit. Ratio non minùs clara quam solidâ est; quia matrimonium est aliquid spirituale; cum sit unum ex septem Nova & Evangelicae legis Sacramentis, c. Debitum 5. de Bigamis & laudata 8. Synodi Sess. 7. & Sess. 24. utroque can. 1. In spiritualibus autem patria potestas non attenditur, c. fin. V. fin. de Judicio, in 6. eāmque ob causam filius invitò patre professionem in Religione, à sede Apostolica approbata, emittere potest, l. Deo nobis 56. c. de Episc. & Cleric. c. Cū virum cit. &c. à qua, tanquam conjugio spirituali, quando eadem utriusque ratio est, argumentum rectè ducitur ad carnale, arg. c. Inter 2. de Translat Episc. Everard. Legalium argum. loco 33. num. 3.

Neque in contrarium facit can. Alter cit. quia, sicut ceteræ conditions ac solemnitates ex eius præscripto in nuptiis observandas, sic etiam eō commendatus parentum consensus necessarius non est ad earum substantiam: sed solummodo ut in foro externo reputentur legitimæ, hoc est, secundum sanctiones Ecclesiasticas celebrațæ: non clandestinæ; talia enim olim etiam, quæ absque parentum vel consanguineorum consensu inita erant, conubia nuncupata, cum Glossa in c. fin. de Clandest. desp. V. Clandestina, Innocent. in eandem Rubric. observant Henriquez Lib. 11. cap. & n. 5. & Gonzalez in c. 1. num. 11.

Non magis adverfantur reliqui can. citt. quia etiam iis parentum consensum non ad valorem, sed ad honestatem dunt taxat nuptiarum exigi, Gonzalez ibidem n. 12. notat. Unde

Dubium oritur, an ergo ad ineunda, 36. quæ parentes volunt, conjugia liberi obligentur, & valeant compelli. Certum est, per se non possunt liberos, volentes ingredi Religionem aut vivere in Calibatu; quia his

quia his casibus coactio majoris eorum boni impeditiva & injusta foret, Gutierrez de Matrim. cap. 79. n. 17. Per se, inquam; quia per accidens vg. casu, quod ob deflorationem alicujus pueræ, cui satisfactio pro injury & damni illati relascitio exhiberi debet, vel ob gravem necessitatem parentum, qui sublevari aliter non possent, ad matrimonium contrahendum obligarentur, ad hoc eos moderata coactio adigi posse, cum cit. Doctore n. 16. concedit Coninck disp. 28. dub. 5. n. 50. & permittit ratio; quia dictis casibus ad matrimonium obligantur Jure Naturali: ad cuius obligationem implendam ita compelli a parentibus possunt, Perez disp. 17. de Maritim. f. 17. n. 6.

Extra hos etiam iisque similes casus ad ea, quæ parentes volunt, conjugia liberos graviter obligari, cum Alexand. de Nevo in c. 1. cit. n. 13. & Navarro Manual. cap. 4. n. 15. docet Bellarminus Lib. 1. de Matrim. cap. 19. permotus auctoritate Hormisdæ Papæ c. 1. cit. ita rescribentis. Potest autem filium nondum adulterum (voluntas cuius discerni non potest) pater, cui vult, matrimonio tradere: & postquam filius pervenerit ad perfectam aetatem, omnino debet hoc adimplere; verbò enim Debet necessitatem ac præceptum imponi, vult Glossa in c. Propositus 24. V. Debet, de Appellat. & Clement. 2. V. Debeant, de Statu Monach. Nec desideratur ratio; cum enim liberia parentibus vendi permittantur, l. fin. C. de Patribus, qui filios &c. cur non etiam ad nuptias a parentibus electas compelli possint?

37. Sed hoc leve est; quia liberorum, quos in potestate habet, venditio patri, non etiam matre: & solius vieti, non etiam alterius necessitatis, vg. redemptio nisi causâ, tempore prementis famis & nimis egestatis permisla erat, ut in l. cit.

Bruneman n. 1. observat. Cujusmodi patris, imo & matris necessitas aliave calamitas, si lolo filii matrimonio propagari queat, eum ad hoc ineundum ex virtute Pietatis obligari & moderata coactio compelli posse, inficias non eo, & præter alios facile concedunt SS. DD. Angelicus ac Seraphicus in 4. dist. 29. ille q. unica. art. 4. iste q. 3. cit. Gutierrez n. 15. & Sanchez Lib. 4. de Maritim. disp. 23. n. 4.

Quare melius cum Anchorano in c. 1. cit. n. 4. Panormit. ibid. n. 7. Alex. de Nevo n. 13. Sylvestro V. Lex. n. 29. Abulensi in 1. Reg. cap. 18. q. 24. & Soto in 4. dist. 27. art. 2. ad n. 1. liberos ad eas, quas parentes volunt, nuptias extra relatios iisque similes casus Iure adstringi, negatur; quod matrimonium ob suam infolubilitatem inducat perpetuam multisque & gravibus oneribus atque incommodis obnoxiam societatem: quam propriâ potius, quam alienâ voluntate iniri, consentaneum est, ad evitandos tristes atque infelices exitus, quibus obnoxia sâpe sunt matrimonia coacta, c. Cum locum 14. &c. Requisitus 17. de Sponsal. & Matrim.

Ne autem Resolutioni huic c. 1. cit. 38. textus adversetur, ejus V. Debet non præcepti, sed solius honestatis ac decentiae debitum denotari, Glossa V. Eodem & Interpp. ac DD. alii sat multi volunt apud cit. Sanchez n. 2. Sed hæc eorum exppositio non placet; quod ab ejus verbi significatio propria recedat: & c. cit. à patre contractum matrimonium à filio adimplendum, dicatur Omnino, dictione necessitatem absolutam denotante, ut cum Titaquello in l. Si unquam 8. C. de Revocand. donat. V. Revertatur, à n. 78. & aliis in c. cit. notant Barboſa n. 6. Canistius n. 27. & Gonzalez n. 6. quorum proinde ille c. cit. filium ad id, quod suò adhuc impuberis nomine pater init, matrimonium ob-

nium obligari, ait, si pubes factus non statim contradicat, juxta dicta n. 11. Iti verò textum illum referunt ad Jus Ecclesiæ antiquum, quod filio pubertatem adeptu ab ejusmodi sponsalibus recessum non permittebat sine iusta causa, vg. quod à pueris sponsata abhorreat: sicut hodie puberes à sponsalibus sine aliqua ex causa, *Tit. 1. art. 5.* enumeratis, nequeunt resilire.

39. Hæc tamen non obstant; quod minori liberi, quando matrimonium inire volunt, & ad id cum certa persona ineundum ex iusta causa determinati non sunt, à DD. ad parentum aut eorum, qui parentum loco sunt, consilium requirendum obligentur; quod in re gravi eorum consilium spernere, culpâ non vacet, *citt. Gutierez cap. 79. n. 20.* *Sanchez disp. 23. n. 12.* & *Palao Tract. 28. disp. 2. p. 12. n. 11.* licet hujusmodi consilii ex iusta causa, vg. cum, quas illi suadent, nuptias sibi minus convenire judicant, sequi non teneantur.

40. Dubium hoc loco & non minus difficilis Resolutionis quam magni momenti controversia est, an liberi contra parentum justam voluntatem personis indignis nubentes exhaeredari valeant, ifisque dos negari: prout Legibus Castellani Valentiniisque & Jure etiam nostro Provinciali Landrecht *Tit. 40. art. 9. §.* Wurde aber est constitutum. Hujusmodi certè Leges ac statuta, & secundum ea factam exhaerationem dotisque negationem valore destitui, cum Panormiti, in *c. 1. de Sponsal. n. 8.* *Alex de Nevo ibid. a. n. 23.* *Sylvestro V. Lex. q. 15.* *Navarro Manual. cap. 14. n. 15.* & aliis TT. & JCT. is contendunt Covarruvias *p. 2.* *de Sponsal. cap. 3. §. 8. n. 5.* Henriquez *Lib. 11. cap. 6. n. 2.* Azor *p. 1. Instit. lib. 5. cap. 25.* *Sanchez Lib. 4. disp. 25. n. 2.* Vasquez *disp. 4. de Matr. cap. 2. n. 14.* Laiaman *Lib. 1. p. 5. & cap. 1. n. 15.* & Go-

bat *Experient. Tract. 10. num. 109.*

Moventur primò libertate matrimoni: quam sacri Canones maximam esse volunt, *c. Gemma 29. de Sponsal. & Matr.* ejusmodi autem Statuta politica & in his fundatus exhaerationis & iuris metus multum diminunt. Secundò; quod, cùm liberorum, cum quacunque etiam indigna persona contrahendum, matrimonii Ecclesia assistat, eaque contracta rata habeat ac tueatur, illorum propterea facta exhaeratione negotiōque dotis & utramque hanc permittentes leges Civiles videantur injustæ. Tertiò; quod, cùm de causis matrimonialibus, tanquam spiritualibus, judicialiter cognoscere ac pronuntiare Ecclesiasticæ, non Secularis sit potestatis, *c. Tuam 3. de Ord. cognit. c. 1. de Sponsal. & Matr. c. Causam 7. Qui filij legit. & Trident. Sess. 24. can. 12.* Illius etiam, non istius, sit condere leges ac statuta, concernentia matrimonium inter personas contrahendum; cùm, cuius quis in aliqua materia & causa non sortitur forum, etiam legibus ac statutis illam concernentibus non afficiatur, ut arg. *c. fin. de Constitut. in 6. Regulae instar tradunt Joan. Andr. in c. Per venerabilem 13. Qui filij legit. Socinus Lib. 4. consil. 79. n. 9.* & Fagnanus in *Utrum 1. de Cognat. Spirit. n. 12.*

Sed non minori ratione leges ac statuta liberorum exhaerationem dotisque privationem, quando spretò aut non requisitò parentum consilio & contra rationabilem eorum voluntatem matrimonia cum personis indignis, hoc est, vilibus, & turpitudine vita laborantibus inveniunt, parentibus permittentia cum Baldo in *c. Tenor 10. de Sent.* & *re jud. in fin. Claro §. fin. q. 82.* *Statutum 31. n. 5.* Tholofano *Lib. 9. Syntag. cap. 3. n. 21.* defendant Sotus in *4. dis. 29. q. 1. art. 4.* Barth. de Ledelma de Matrim. dub. 42. *Petr. Bar-*

Petr. Barbosa in l. 1. ff. Soluto matr. p. 4.
n. 36. Molina Tract. 2. de J. & J. disp.
176. à n. 14. Rebellus de Oblig. Justit. p.
2. q. 14. f. 3. Pontius Lib. 2. de Matrim.
cap. I. n. 29. Palao Tract. 28. disp. 2. p.
122. n. 14. Perez disp. 17. de Matrim. f. 17.
n. 19. & alii, eō nixi fundamento, quōd ex
una, ejusmodi legibus ac statutis nulla
injuria fiat Sacramento matrimonii; cūm
hoc invitis parentibus initum valeat: ne-
que spirituali bone Ecclesie aut saluti a-
nimarum præjudicetur: ex altera verē
parte, magnam utilitatem afferant Re-
publicæ, cujus interēst nobiles & hone-
stas familias indignis connubii non ma-
culari, iusta parentum consilia non sperni,
tolli occasiones odiorum ac discordia-
rum, aliorūmque minime levium incom-
modorum, quæ ex ejusmodi nuptiis ita
temerè contractis sāpe oriuntur.

Confirmant ista primò, paritate
cum conditionibus, à fundatoribus appo-
ni solitis Majoribus ac Primogenitūs,
& istorum incapaces redditibus descen-
dentes, si Judæorum vel Sarracenorum
sanguine infectis, vilibus aut infamibus,
imò etiam si imparibus personis nubant:
quarum appositionem, licet iis, de quib-
us sermo est, statutis simillima sit, ju-
stam esse, plerique concedunt.
Confirmātur secundò; quia matrimonia,
quæ liberi contra justā voluntatē parentū
cum personis indignis in familiæ probrrū
contrahunt, illicita & vetita sunt Jure Ec-
clesiastico, arg. can. Alter, can. Nostrates
c. 1. citt. Imò Divino & Naturali, li-
beros obligante; ne in re gravi, prafer-
tim statut & familiam concernente, iustæ
parentum voluntati adversentur & con-
tra eam agant, ut nemo facile inficias ibit;
actibus autem illicitis & Juribus illis ve-
titis pœnam imponere non excedit pote-
statem Principis aut alterius Magistratus
Secularis; licet de iis statuere prohiben-

dō vel irritandō non possit; cūm in ma-
teria aliqua statuere ob defectum potesta-
tis prohibitus, in ea à legitima potestate
statuta, subditis corum transgressoribus
pœnam infligendō ac decernendō, multó-
que magis aliquid Jure indebitum dene-
gandō, valeat corroborare, ex doctrina
Glossæ in Clement. Ne Romani 2. pr. V.
Tolli, de Elef. Felini in c. 1. de Sponsal.
& matrim. n. 13. & Anchorani Conf. 298.

Neque cum hujusmodi statutis pu- 42.
gnat libertas matrimoniorum; quia ipsis
liberorum ad ista aspirantium non tam
libertas, quām ictius inconsultus ac te-
merarius abusus restringitur; cūm sta-
tuta illa non impediānt, quōd minus li-
bere ducent aut nubant dignis & quibus
nuptiali foedere jungi honeste, & sine
scandalo aut familiæ probro poscent, ut
aliis DD. relatis notat Felinus in c. cit.
num. 20.

Neque etiam; quōd causæ Matri- 43.
moniales sint Ecclesiasticae; quia ejus-
modi legum ac statutorum conditores
neque vindicant sibi jus de iis cognoscen-
di, neque aliquod nuptiale impedimen-
tum inducunt, sed solummodo Naturali
& Positivō, tam Divinō quam Ecclesi-
asticō, Jure vetitum & Reipublicæ bono
ac familiarum splendori noxiū liberta-
tis abusus & parentum contemptum ple-
ctunt: idque non pœna corporis affli-
ctivæ inflictione aut alicuius juris jam
quaestī privatione, sed tantum liberali-
tatis à Natura indebita privatione; cūm
liberis Naturali Jure spectatō debeantur
sola alimenta: hæreditas autem Positivō,
juxta dicta Lib. 3. Tit. 26. n. 10. à quo
proinde indignis potest denegari, ut recte
observant citt. Pontius n. 30. Palao n. 14.
& Perez n. 19.

¶ (O) 20

O 2

TITU-